

kibaru

San 21nan Setanburu - san 1993
A songo: DOROME 10 - N° 250

A be bo kalo o kalo "AMAP" ka yamaruya kono - Hake : 16.000
"AMAP" kuntigi : Gawusu DARABO - Dianbagaw kuntigi: Amadu GANI Kante - Sebenbagaw kuntigi: Basirid TURE

1960

MALI YE SAN 33 CERC

1993

NI JAMANA DESEKOW CAYARA
YERETA
HEREKOW BE DOGOYA

(n° 4 ni 5)

BALKUKALAN TOGOLADON DIJNE KONO

(a kunnafoniw be n° 2 ni 3 la)

KAYIDAMA
KERA
MUSOTOGOTIGI
YE

(n° 8)

MALI NI "UNESCO"
KA BAMAKO
"SEMINERI"

(n° 6 ni 7)

Balikukalan tøgøladon



Wolokankow ni balikukalankow dondala kuma foko folo, o san 28 de ye ninan, san 1993 ye. A kuma fôra TEHERAN dugu de kono, n'o ye IRAN jamana faaba ye. A fôra kunben min kene kan, o baaraw kuncedon, n'o bennna san 1965 setanburukalo tile 8 ma, o don kelen de sugandira, k'o wele dijë jamanaw bëe kono, ko balikukulan tøgøladon.

San o san, dijë jamanaw bëe b'o don sanyelëma kunben gintanw de laben, ni "8 SETANBURU" don sera. A don sugandili bëe faamuya sira fila kan. A folo : o ye ben këdon ye, wolokankow ni balikukalankow dondala kan. A filanan : o'y'a kunben kene wasa cogo ye. Dijë jamanaw bëe lajelen kalankow minisiri n'u ka mogø faamuyalenw de tun b'a kene kan. Okene tun labenna dijë jamana hörönyalenw ka kelenyatona "ONU" bolofara "UNESCO" fe, min nesinnen bëe kalankow, sekow, dònkok ani ninikow basigili ma, dugukolo kan.

A kunben tun nesinnen bëe mun ni mun ma ? A tun nesinnen bëe wolokanw de ma folo, k'olu signindenw dantige, ka balikuw kalan n'olu ye, "kalanje" ani "jaate" siraw kan. A tun nesinnen b'o kalan ni sôrokow dalijøgonna de ma, tugun, walasa, yiriwali feeretigelenw ka se ka sira soro, jamanaw kono. O sirasoroko fôra, k'a gelyea jamanaw bëe ma, sanko desebagato jamanaw, minnu sôrokew, n'o ye cikew ye, olu fanba bëe ye

balikulamogø kalanbaliw ye. An bëe b'a dòn ko kalanbaliya ye dibi de ye, soro njenama te ke dibi min kono, bawo, mogø kalanbali ka feere tigetaw ka dôgo kojugu.

Walasa desebagato jamanaw balikulamogø ka kalan, teliya la, ka soro bugunnenw ke, i n'a fo soro minnu b'u yerev n'u ka denbayaw an'u ka jamanaw bëe nafa, nögøn fe, o kalan sira teliman jate minera k'o ke balikukalan keli ye, wolokanw na. O de nana ni balikulamogø cemanw n'a musomanw ka kalanw sinsinni ye, u ka baaraw kécogow kan, cogoya la, min bë se, ka wele ko baarakalan. O bë faamuya, bawo, faransikan min bë kalan lekolisow kono, o nesinna denmisenninw ma, cogoya la, min taara, ka balikuw bolo dan. Jatemine la, a bë se, ka fo, ko denmisenninw bë ka dönniya kalan kuntaalajande ke, k'a soro balikuw, olu bë ka soro kécogo kalan kuntaalasurun de ke. A b'i n'a fo : "donnatemén" kalan ani "sinijesigi" kalan. Balikukalan këkun wolokanw na, an'o wolokan yerev doncogo da la, olu feerew sabatira, nin cogo de la. Kabin'okera, dönnikelaw y'u nesin wolokanw signikow ma. O dun y'a soro, Afiriki bëe kono, jamana saba tun cesirilen bë kalanbaliya dibi këleli fe, ka temen jamana tòw bëe kan. O ye IRAN, MALI ani ALIZERI ye.

Nka, olutun b'u ka baara ke faransikande la, wolokanw nana bila min no na, san 1968 waati la. O nonabila baara teliyali de ker'o jamana saba sugandikun ye, balikukalankola, Afiriki kono. Mali ye no minnu b'a la, ka joyoro ni tøgo minnu sora la, olu dogolen te mogø si la, dijë kono, k'a masoro Mali balikukalan baarada "DNAFLA" an'o ka walew dafalan, n'o ye "KIBARU" ye, olu fila bëe ye "UNESCO" ka medayi soro. O ma ke gansan, bawo, "DNAFLA" ni "KIBARU" kera jamana tòw ka balikukalan karamogø n'u ka kunnafonilaselaw ka baaradegeyoro ye, kabin'a kow daminera, fo ka se sisan ma. Mali balikukalansow, a balikukalandenw n'a animateriw ka ca ni yoro bëe taw ye. A yerekalannaw bë ka baara suguya bëe ke, sisan, operasonw kono, baara minnu b'u bëe boli sementiya, kalanbaliya dibi la, i ko duguyiriwajekulusigi, sannifeere, kenyamatrafali, fangabolosébendilanni, n'o daw ye gatigisëben, furuseben ani woloseben n'a tòw bëe ye. Mali de folo ye wolokanw kalanni sifile jukorokalanbolow denmisenninw

Furancejan bε Mali ni yoro towce


kun, k'a sabati forobabaaradaw ni kenyereye baaradaw ani sordasikunda.

Kuma lasurunya la, Mali sera ka wolokanw kalanni yiriwa, k'a lawere, k'a sankorota, ka se hake la, min kera jamanakonomogo bεe kunko ye, bawo, bεe kelen-kelen sera, k'a faamuya, k'an danbe basigilan y'an wolokanw de ye, minnu dondalacogo numan kelen si t'u sebeni n'u kalanni bo.

O de koson, seben minnu bε bo Mali jamanadenw wolokanw na, n'u nesinnen bε kalansira caman ma, i ko kalanjew, jatew, kunnafoniw, maanaw, nsirinw, sekow, dɔnkow, tarikiw ani lawale kokorø nafamaw, olu ka ca ni jamana tow taw fana ye, bawo, furancejan bε Mali n'o jamanaw ce wolokanw dondala la. Mali ye wolokan minnu signidenw jatew minε, k'u seben fo ka baara ke n'u ye, oka ca kosebe. Bamanankan, fulakan, soninkekan, burudamekan, koroborokan, bozokan, kaadokan, sinafokan ani wolokan misenni werew de ye. "DNAFLA" ka baaraakelanw ye sisan, k'a masorø "DNAFLA" de ye wolokanw sebencogo dantigelibaga yamaruyalen ye Mali kono. A ba'arda ka mogø faamuyalenw de bε sugandi, ka mogø dɔw kalan, cikebugudaw ani dugubaw kono. Olu yerebε bε mogø werew kalan. Olu fana bε dowerew kalan. A bε k'ocogo de la, fo kalan ka se bε ma, jamana kono.

Anbe waati min na sisan, jateminelaw ye yerekalannaw hake ke mogø 75.000 de ye bamanankan na, minnu bε se ka "KIBARU" kalan, ka tila, k'u sigiyorow kunnafoniw seben, k'u lase "KIBARU" ma, Bamako. O fana ye balikukalan nafa dø ye, bawo, hali ni mogø te nøgon yelen dø, u bε bo nøgon ka walew kalama "KIBARU" kono. O baara nøgon ka døgo, farafinna kono bi. A nøgon baara yere bε sen na, yerekalanko sira la, k'a nesin, fulakanfolaw ka kunnafoniseben, "KABAARU" ma, ani soninkekanfolaw ta, n'o ye "XIBAARE" ye.

N'a fora ko san 20 hake kono, Mali sera ka kunnafoniseben "bo wolokan 3 la, k'a sorøjamana døw mase, ka balikukalan yere dafa, sanko, ka se yerekalan ma, oye fεn ye, min bε Mali kunnawolo, k'a demebagaw hakililatige, bawo, jamana min ye Mali ye, o nømøgø n'a kñomøgø ma balikukalanko ke bolokofeko ye. O de koson, "UNESCO" min y'a kow sabatili walew musakaw bobaga folo ye, o ka kunben caman bε laben Malide kono, balikukalanko n'a kunnafonikow



siraw kan.

A kunben laban kera Mali jamana kunnafonidaw ni jukorøkalanko laje ye min kera Zuluyekalo la. O sira kan, wolokanw sebencogo mogø faamuyalenw ye laje døke, min labenna "ACCT" fe, Bamako, kalotemennen na ni jamana 3 nana fara Mali kan, n'o ye Kōdiwari, Burukinfaso ani Lagine ye. A kera cogo o cogo, "ACCT" ni "UNESCO" bε Mali de segerε. U bε Mali mogø faamuyalenw bila fana, ka taa jamana werew kono, ka t'olu dege baara kecogo numan na.

Nin bε de koson, an b'a fo ko Mali ye nø bo, ka jøyøro sørøbalikukalanko la, minnu ye furancejan don Mali ni Afiriki jamana caman ce, "UNESCO" ni "ACCT" ka demew" bε se minnu ma. O b'a jira ko Malidenw y'u sebe don kalanbaliya dibi keleli ma, cogo bε la. O de b'a ke, wolokanw bε don da la, sorøkelaw bε bo nøgo la, jamana bε yiriwa. O cesiriawel de bε ka nini, dije mogø faamuyalenw n'a dønnikølabaw fe, minnu ka baara ye jamanaw ka netaa feerew ninini ye. Ni Mali yera jamanaw nεfε, o netaa feerew bε sifile yørø minnu na, o ka kan, ka dusu kura don Maliden bεe kono, walasa, san o san, ni balikukalan sanyelema kunben don sera, n'o ye "8 SETANBURU" ye, an kelen-kelen bεe ka se, ka wasa, an ka wale kelenw na, k'a jir'an yere la, ko mogø demebaga folo y'i yere de ye.

MALI JAMANAYE

Ni Jamana deseckow cayara

Mali ka yéremahorónya latigéra, san 1960 setanburukalo tile 22 don. A kojew bée jenabóra pariti politiki min hukumu kono, o kéra "US-RDA" ye.

O pariti sekeretéri zenerali tun ye Modibo KEYITA ye, min kéra Mali fangaso föl peresidan föl ye. O de siratige la, a bë fo, ko Modibo KEYITA de ye Mali ka yéreta "denfa" ye. O togo duman bë faamuya, bawo, politiki mögo minnu jéra, k'an ka yéremahorónya söroli baaraw ke, k'an faso bo marabaga juguw bolo, k'a ke jamana kelen ni kuntilenna kelen ani naniya kelen ye, ale de tun y'olu jemogo föl ye.

A ka mara kéra pariti politiki kelenko de sira kan, n'o ye "US-RDA" ye, min kuntilenna tun ye sosiyalisimu basigili ye, jamana kono. O siratige la, jamana ka nafasoroda caman minnu jor'a tile la, i ko iziniw n'u nogonnaw, minnu dow bë baara la, halibi, olu jolikow nogoyara, ka temen jamana konomogow sigilikow kan. K'a ta fasobaarakow la, ka t'a bila milisikow la, bée de tun b'i sen kan, fo ka se fanga tali ma, sör dasi w. Peresidan Modibo KEYITA ye san 8 de ke fanga la, i ko, k'a ta san 1960 la, k'a bila san 1968 la. A bë se ka fo, ko Modibo tile diyayoro do kéra izini caman jo ye, minnu dow sabatili kojuman bë ka Malidenw nafa, hali sisani.

N'IY'KA WULUJUGU FAGA, DOWERE KA WULUJUGU B'I
KIN


KIN
An be sorodasike 14 minnu don, n'olu de jera, ka fanga ta, san 1968 Nowanburukalo tile 19 don, n'u ye Musa Tarawele k'u nemogo ye, olu ye fanga takun ke, jamanadenw tooroli n'u segenni de ye, Modibo ka sosiyalisimu politiki kecogo jugu ani geleya basigiko jugu ni milisi cedenw ka wale juguw koсон. Fen minnu bora Modibo mineli n'a ka kasoladon na, fo ka s'a fatuli ma, san 1977 la, ka sor'a n'a nokanmogow kelen si ka kiiri ma ke, olu dønnen b'an bee fe. A ko daminetuma la, Musa y'a jira, k'olu tøna temen kalo 6 kan, fanga la, k'u bøna se, ka jamanan bo nogola, o waati konø, ka tila, ka wotew laben, walasa ka fanga di siwiliw ma, bawo, ko sariya ma politikikow daga sorodasiw ye. O layidu kuma foien ma b'a sira fe, bawo, Musa ye san 10 haké de ke, k'a sor'a da ma don politikiko kuma la, i ko k'a ta san 1960 la, k'a bila san 1979 la, n'o kera sorodasiw ka pariti politiki "UDPM" bangesan ye. Jatemine la,

abes, ka fo ko fen camanjengera, jamana kono, k'ada Musa ka tugubaanciya kuntaala janyali kan. K'a ta fanga tasana, fo k'a bila "UDPM" bangesan na, Muşa n'a kokeñogon ye ko bee da ñogon kan. Oye bee konorofili, ka bee jore, jamana fangako basigibaliya la, ka bee ham, Musa jenogon caman labanko juguw la, ka bee siran Musa yere ne, bawo, fanga diva y'a ni qeleya kojugu.


Paritiko ni Musa yere ni dacogo jugu, fanga kan, olu y'a bil'a yere-sosɔ-keneñdɔkan, n'o ye sorodasiw sendonni ye, politikow la, ka soro sariya m'o daga. O yoro digira politikimogow la. Tuma min na, olu be Musa ka fanga senkonomaceli baaraw la, dogo la, Musa yere, a jenogonw, a furumuso n'a balimaw ani jamana nemogo fen o fen be fangabolo do la, olu y'u ta ke nañolo niniko jugu bee ye. Forobabaarakela tow ani kenyereyew bee ye jamana nemogow ladege. Mogo min bolo mana ben fen min ma, o be k'o tigi ta ye. Faama ti nininka, kuma te faantan ma. Jamana n'a sorow kera "forobasogo" ye. Ni mogo min ka muru da ka di, o tigi de be sogo caman soro. Fen minnu bora, o walew la, n'u jenabolikow be sen na, halibi, olu ma dogo mogo si la, Musa kera firawuna ye : ale dɔrɔn de sago be ke, kuma te k'a fe, a te laadi. A ka karogelenya n'a ka tulomagelenya ye bee bila Modibo tile nimisa kene kan. A ker'i n'a fo wulujuguko min dara nsana la : "ko n'i y'i ka wulujugu faga, dowere ta b'i kin". Nka, Musa tun ninera fen min ko, o ye Ala ka hake ye, min bee juru sarali te bila ka lahara makono..

bila, ka lanara makos...
MCQ NCD A'T GOYA, K'I B'I DIYA, FO N'I Y'I GOYA

Musa ka pariti "UDPM" hukumu kono, a y'a sago ke, k'a sorɔ : jamana kɔnɔmogow bilala njɔgon na; jamana nemogow ye nafole dun cogo bɛe la; mögo tɔw sɛgenna, cogo bɛe la, sanko cikelaw ni forobabaarakelaw; mineli, lajabali ani fagali camah kera. Kabini Musa jor'a kelekɛsen kan, san 1978 waati la, n'a m'a jeñögɔnw yerew to, fo k'a s'a binni ma, a ma fara politikimogow, mögɔkalannenw, i ko lèkolikaramogow ni lèkolidenw na. A ye sorodasi yerew dow fisaya ni njɔgon ye, ka lakuruw ke baaraniniw ye. Ni mögo min te Musa n'a muso n'u kekojögɔnw ari "UDPM" bɛe lajelen ka "bulonba" kono, o tigi te ne sorɔ fosi la, jamana kono.



Modibo KEYITA



Musa TARAWELE

SAN 33 SCORO

Yereta herekow bë dogoya

O siratige la, don o don, dō de tun bë fara mogo töjolenw ka yereñinijekuluw kan, minnu labanna, ka se Musa la, tuma la, a yere sigilen te ni min ye, bawo, Musa ka jate la, marabaga wëre tun te Mali la, ale ko. Nk'a be fo ko "mogo t'a don, k'i b'i diya, fo n'i y'i goya". O de kera Musa ta ye, Musa min ma són demokarasisfangak basigili ma, n'o ker'a mangoya kun wëre ye, min bonyara ni mangoya tow bëe ye. Jamaana konomogow bëe te je mogo kelen na gansan. O de kosoñ, Ala ye politikimogow, baarakelaw, lekolidenw n'u karamogow ani sorodasi kankelentikigw bëe deme Amadu Tumani TURE tun bë minnu nefe, ka Musa mine san 1991 marisikalo tile 26 don, k'a jir'ala, ko "mogo b'i tile de ke, nk'i te se ka diñe laban". A ka yeresagofanga labanna kaso la. Sanni Alifa Umaru KONARE ka sigi fanga la, san 1992 zuwenkalo tile 8 don, ATT ye furancefanga peresidanya ke, i ko Musa binni ni Alifa sigili waati kono, n'o benna kalo 14 hake ma. O fanga fila furance la, ATT ye jamana boloda kokura ye, ka wotew ke, ka nemogo kuraw sigi, ka sariya kuraw basigi, ka pariti politiki camanko latige, ka jamana bila demokarasi sira kan, n'o ye jemufanga sira ye, Musa tun banna min ma, bawo, Musa tun t'a fe, ani mogo wëre ka je fanga la, ka jamana mara jekawale kadara kono.

Sisan, Modibo fatura; Musa n'a kokeñogonw minera, k'u ka kiiri kunkolo ke, k'u don kaso la, sanni kiiri kunkilan ka ke. ATT ye jamana laben koñuman, k'a don Alifa bolo, min yere be nini ka san fila dafa, fanga la, k'a soro, fosi ma se, halibi, ka yelema, bonogola sira kan. O b'a jira ko san 33 kono, Mali jamana horonyale desekow cayara kosebe; k'o desekow de nana ni yereta herekow dogoyali kojugu ye. O be faamuya, bawo, jamana bololankolon si te se, ka fosi k'a yere. Nka, mun fen ni mun fen ye Mali bololankolonya ? A folo ye soro ye. Fosi ma se, ka bo dugujukoro siman ni sumansijolan nogo ko. Senefenw te ka ne, wa songo t'u la. Ni ja' ma na, ntobilenw be jigin. Jago te k'a cogo la, k'a masoro, wari te mogo bolo. O temennen ko, nanbara ni yurugu-yurugu ye kokan jagofenw caya, ka temen jamana yere ni kenyereyew taw kan. Surfen kera tilerofen ye. Kabini Musa tile la, sonyali bilala baara no na. Ni kokandeme dunko jugu farala sorodess kan, o ye

jamana ka segen jate minelen ye, k'a ban. An b'o "desekene" de kan, sisan, min tutigebaga folo kera Musa Tarawele ye. San 23 temennen ninnu kono, Musa n'a muso an'u kokeñogonw ye Mali "cun" dingedun min kono, ni Ala yere ma hiine Mali la, a jamana konomogow bëe fere pogon nomine de ma gansan, nk'a desekow dogoyali bë geleya, kuma t'u banni ma. O siratige la, a be fo, ko "mogo kan'i dajugu don i yere la"; ko "mogo kan'i yere jigi tige", diñe geleyaw caya kojugu kosoñ. Akera cogo o cogo, n'an sera ka bo pogon ko, hadamadenyako ani politikiko siraw kan; n'an ye fasobaara ke, tilennenya, jelenya ani netaa naniya kono ; n'an ye nafolokow ni baaraminenkow k'u kecogo dagalenw ye ; ni nemogo kuraw ma temen nemogo korow ka sira korow fe, a ka c'la, hali n'an ma bo nogola, an na safunasongo numan soro. Nka, o yelema geleyayor bë se, ka b'a lateñencogo la. A man kan ka ke yelema teli ye, min jaabisoro fana ka teli. A be koñosen sen de... bawo, ni mogo degera wale o wale la, k'o ke laada bisigi ye, min waleyali kuntaala janyaara kosebe, o wale dabilal te karabañini. A be ke pogonbilasira kumaw de ye, minnu be mogow són hakili numan na, ka jamana tñelikow dabila. Malijamana ye san 33 soro, ninan san 1993 la, yere mahoronya kono, min sanyelema kuben bëe be deli ka ke gintankow ye, jamana yoro bëe la. A don koro n'a bonya kama, nemaje suguya bëe be laben, denmisenkuluw, musojekuluw, baarajekuluw anisorodasikuluw fe, n'olu b'a koñew sankorota n'u ka defilew ye, minnu senfe, kelekeñinenw be labo, ka mogow lañagari n'u ye. Adonye peresidan yere kumadonye, ka fasobaarako, a yiriwaliko n'a ka netaako kecogo numan dusu don jamanadenw kono. Peresidan Alifa ka ninan kuma kono, a y'a sinsi fen min kan, kosebe, o ye Mali demokarasi matarafali ye. A ko Mali muritiba ma se ka sabati, nejibo ni jolibon ko. A y'a jira ko diñe bëe benn'a kan, k'o nogon muruti ma deli, ka ke Afiriki ani jamana caman werew kono, k'a d'a lateñencogo lakika kan, n'o kera fasodenw bëe lajelen donni ye, da kelen fe, ka fanga jugu kelen daga wuli, k'a bo bëe da la. A ko kelenya min y'o sebaaya latige, k'o kelen de ka kan, ka ke Mali kura josen ye bawo, ko sebaaya ni fanga cemani mogo kelen bolo, k'u cekaji jama de bolo.



Amadu Tumani TURE



Alifa Umaru KONARE

Mali ni" Unesco'ka seminéri



K'a ta san 1993 Zuluyekalo tile 26 don na, k'a bil'a tile 30 don na, Mali kunnafonidaw ani Mali kalanko jukorobolo mog'o faamuyalen caman ye jog'o soro, hakilifalen kene do kan, min be wele ko "semineri". A jogonkunben baaraw kera Bamako dunanjigins dø de kono, n'o togo ye, ko "NARHAWA". Musakakow siratige la, "UNESCO", n'o ye jamana horonyalenw ka kelenyatona "ONU" bolofara do ye, min jesinnen be kalanko, nininiko, seko, dønko ni kunnafoniko ma dije kono, o ni Minisiriso fila de jera, Mali togo la k'a jogonye laben. A folo ye seko, dønko ni kunnafoniko minisiriso ye.

A filanan ye jukorokalanko minisiriso ye. O minisiriso fila baarada minnu jesinnen b'a kunnafonikow n'a kalankow ma, iko "AMAP", "ORTM", "DNAFLA", "IPN" aniyiriwalikow feeretige jekulu minnu sigien be Malikono, in'a fo "CESPA", "IMRAD" ani "US.AID", olu ka mog'o faamuyalen sugandilenw de y'u hakilinataw jira jogon na, tile 5 hak'e kono, k'olu ke benkanseben do ye, min b'u ka baaraw jogondafacogo human n'a nogoyalicogo humanw dantige. O benkanseben dilanni dørøn b'a jira k'a kunben dabokun jena.


A jogonye dayeledon, mog'o minnu tun b'a jemogosigiyoro la, o folo ye Bubakari JARA ye, n'o ye jukorokalanko minisiriso baarada kuntigi ye, n'a koje bee bonya tun dir'ale de ma. Mog'o min tun b'ale kerefe, o ye Musa SO ye, n'o yere fana ye seko, dønko ni kunnafoniko minisiriso baarada kuntigi ye. Mog'o min tun b'olu fila bee kerefe, o ye Kirisitini PERONNI ye, n'o ye mog'o faamuyalen ye kunnafonikola, minbora Pari, ka n'a kunben kama Bamako, "UNESCO" togo la. Ale de jesinnen b'o kunnafonidakow basigli n'u yiriwali baaraw ma, dije jamanaw kono, sanko, desebagato jamanaw. Ale yere ye muso de ye. Nk'a be fo ko "musoya te monye". O joyor'o koso, kirisitini PERONNI de ye Mali ni "UNESCO" ka Bamako seminéri in labenkun jefo, jama bee ye.

O yero jefoli de kera baaraw damineli yere ye,, minnu latemenna, jama ka mog'o sugandilen 3 ka jemoggoya kono, n'o folo ye Musa Suseñ DANBELE ye, ka Mohamedi KULUBALI ni Amadu SANKARE d'o kan. Olu mog'o saba de kera mogow n'u ka walew 'bolodabagaw ye, kabin'a kunben dayeledon, f'a kuncedon. A koje bee bolodacogo numan y'a jogonyelaw bee ka sabati jira.

O siratige la, mog'o faamuyalenw yamaruyara cogo min na, k'u hakilinakow dantigelisebenw kalan, jama bee jena, walasa bee k'i ta f'a la, ka tila, ka ben taabolo kelen kan, o cogo file :

- Madamu ASIKOFARE ni Haruna TURE kumara, "DNAFLA" togo la. Basiriki TURE kumara, "AMAP" ni "KIBARU" togo la. Madamu Tarawele Korotumu KONFE kumara, jukorokalanko baarada do togo la, min ni "US-AID" bolo be jogon bolo. O sira kelen de fana la, Bakari TARWELE ni Amadu SANKARE kumara. Mohamedi KULUBALI kumara, "IMRAD" togo la. Shekina SISE ni Fili KEYITA kumara "ORTM" togo la. Abu JARA kumara, "IPN" togo la. Burahima DUNBIYA kumara, sanfekalanko ninini baarada togo la.

A dantigeliseben bee kelen-kelen kun kan, jamalakuma ma kötige, fo ben kelen ko. O b'a jira ko kunnafonidaw baarakelaw ni kalanbolow baarakelaw ani nininiklaw dusuw n'u naniyaw bee ye kelen de ye, n'o y'u ka baaraw kecogo numan ye, ka jogon dafa. N'o dusu, n'o naniya n'o feerew'b'ukono, bawo, a bee ye mog'o kalannenfaamuyalenw de ye, i b'a soro, a minenw n'a musakaw de t'u bolo folo. N'o te, a bee b'a døn, ko kalan jujon ye kunnafoni de ye, n'o ye donniya laselicogow ye, hadamaden ma, i k'a sebenni (bolo la), a jefoli (da la), an'a lajeli (je la). Walasa kalan ka dafa, k'a ke k'a je, ka nafa sor'a la , f'a ka temen, nin sira 3 de fe, jogon fe. O misali file : dønniya be kalankaramogow de kun na, nk'a jensenni, k'a lase kalanden caman werew ma, yorosurun ani yorçjan na, o feer'e be kunnafonilaselaw de bolo..




Kunnafonida ni jukorokalan

Mali ni "UNESCO" ka Bamako "semineri" in ma nesin jukorokalanko ma gansan. O de joyoro kolo ka girin, hadamaden labenni na, k'a ka dijelatige diyabo, k'a masoro, kalan yere be damin'ale de ye folo.


Cemancekalan ni sanfekalan te lasoro, ale kecogo numan ko. Ale de ye ladamuni, kalanje ani dönniya jujon ye. A latemenni ka gelen kojugu. A te ke k'a ne, timinandiya ni munun ko. A koje kelen si ma nogon, bawo, a be ke denmisenniw de kun, a cemanw.n'a musomanw, minnu wolosi b'a ta san 5 hake la, fo ka se san 15 hake ma, ani balikukalandenw, minnu si be ka korobaya, kalan suguya bee kecogo numan ma. N'an b'a don ko "bi denmisenniw de ye sini mogokorobaw ye", ko denbatigw ni jamana yere jigi dalen b'olu de kan, sinijesigiko la, n'an b'a don ko balikukalandenw de ye sorokow ntulomaw ye, cikeduguw kono, an t'olu ka kalanbolo sebe demeni ke bolokofenko ye. N'o kalan kecogo ma ne, a bonoyoro be caya kojugu. A bone barika ka bon, jamana sorokow, a yiriwalikow n'a netaakow la. A ka bon denbatigw ka hakililatige n'u ka lafiya la: n'i den ma ke fen ye, i hakili te sigi, i te lafiya. I den be k'i bolo doni girin were ye. A bone barika ka bon denmiseniw yerew ka dijelatige la: n'i ma kalan, fo ka nafa kuntaalajan sor'a la, i ke ka gelen, ka fen k'i yere ye, kuma te mogo were ma. A kalanko dabora "nafasoro" min kama, n'o ma se ka b'a sira fe, denmiseniw be laban bolon doron de kono. A cemanin caman be ke fugariw, wali karatow ye. Musomaninw ta be ke tilefe-janburuya ani sufe-sungurunbayaye. An b'o bonoko-bonoko dama-dama doron de kene kan sisan. A ko kelen be, ka desebagato jamanaw ani denbatigw bee lajelen konorogan, k'u dusu kasi, k'u hakili nagami, k'u miiri janya, k'u dabali ban, k'u jigitige, bawo, denko ye jigiko de ye. N'a ma jigi tugu, a b'a tige...

Nin yorow de be jukorokalanko ke jorenanko ye, k'a ke bolodijogonmako ye, k'a ke jekawaleko ye baarada bee bolo, sanko, kunnafonidaw ni nininidaw, minnu baarakela



mogo faamuyalenw ka bolomademe walew man kan, ka kotige, jukorokalankolo n'a baarakelaw la, fo ni dese yere kera. O siratige la, an bee b'a don, ko "dese" taamaseere ye "ntanya" de ye. Nidusu ni janiya be jamana min n'a konomogow la, ni barika ni feere suguya bee b'u kono, ni fen t'u bolo, i ko n'u nafolontanyara, dese be k'u taamanogon ye. Laben koro te latemen ye. An be dije geleya waati min na, sisan, jukorokalankolo n'a nogonna yiriwali feere caman werew, minnu sirilen be jamana fangaso fe, olu bo ka gelen, u bosira numan fe, soro ani deme ko. Soro be bo jamana yere de kono, a dugukolo kan, wal'a dugukolo jukoro. Deme boyoro ka ca. A be bo jamana kono, an'a kakan. A be bo setigijamanaw ani dije nogondeme jekulu caman yoro, i ko "UNESCO" n'a nogonnaw. O siratige la, an dalen b'a la, ko "UNESCO" min ye kunben in laben Mali kono, k'o ben'a ka deme lase, Mali kelen in ma, walasa, mogo faamuyalenw benna feere minnu kan, olu ka se, ka ke wale nafamawye, bee bena bo minnu nun ma, Mali kono. N'o kera, halin ni denmiseniw tijekojugu ma ban, caman bena b'a la. O be k'an bee kunkorotako ye.

A kera cogo o cogo, an b'a don, ko Bamako kurnben in sabatili la, "UNESCO" m'a bolo di Mali ma nogo kan. I b'a soro, jatemineko la, Maliden yerew fanga sera, ka no minnu bo jukorokalankow ani kunnafonikow la, ni "KIBARU" y'o misali do ye, olu kodonnen ko, "UNESCO" fe, a y'a cesiri, sanko, nin laje sira ka ke deme sira ye, walasa no minnu bora Mali kono, olu kana tunun, nk'u ka sankorota, ka t'a fe. An be Ala deli, a k'o jatemine ben sen ma, bawo, a be fo ko mogo t'i dajugu don, iyere la. O siratige la, an be se k'a fo, ko walasa "UNESCO" k'a don, ko Mali jigi dalen b'a ka deme nafama kan, minisiri Shekina Kamisoko, min nesinnen be sekow, donkow ani kunnafonikow ma, o yere de y'a laje kuncewalew nemogoya ke, san 1993 zuluyekalo tile 30 don, kaa ka wasa jira, "UNESCO" la, Mai bee togo la.



KAYIDAMA KERA MUSOTOGOTIGI YE



Madamu SISE Kayidama SIDIBE

Kabini dijé dara, a konofernw bëe kéra fila-fila de ye: ce ani muso. Olu de ye njogon dafalan ye, fo ka t'a dijé laban, i ko, fo ka taa s'u fatuli ma. Nka, dijelatigé kow waleyali la, galabukeneya bëe cékunda, a bë musokunda. O b'a jira ko söröw damakéñelen bë cew ni musow bëe ye. O de kɔson, baanaya ni sebaaya ani dönniya kéra fénw ye, bëe dama ka kan fén minnu na, fo ni Ala yére ye mögo min jen. N'o te, mögo si se te, mögo wëre nagasili, wali, mögo wëre yiriwali la: bëe b'i dakan de bolo.

O siratigé la, ni muso kelen ye muso tòw ani cew bëe lajelen kunnawolo, njogon fe, jamana kono, an'a kokan, o b'a jira, ko musoya te mone ye, ko musolankolon de b'a ke mone ye, ko musow bë se, ka jo cew joyorow la, ko ce suguya dòw fana bë se, ka ye lankolonya kéné kan. A kéra cogo o cogo, dönniya selen bë hake min na sisan, n'o y'a lawereli ye, a bë ka se "musobulon" kono, ka t'a fe. O ye wasako ye musokunda, k'a masorø, kabini lawale la, muso ma se, ka jate dönnikela ye, wa, fosi fana tun te ka dabali, ka musow ka kalanko yiriwa. Hakilima bëe b'o kun dòn... O tun ye "kunun" kow ye, i ko tuma minnu na, cew tun bë siran muso kalannenw ne, k'a d'u ka musoya wale caman girinya farali kan, kalan dönniya girinya kan.

Nka, sisan, muso finitigi ani ce kulusitigi kalannenw bëe dama ka kan, fasobaara n'a njogonnaw la. O de kɔson, baarada ka dögø, jamanaw kono, musow ma minnu nëmögoya ke, k'a ne, fo ka bëe wasa. O njogon musow bë Mali baarada caman na bi, minnu ka ca ni ba n'a siye. Mali la, musowyelenna, fo kase, peresidan korosigiyá ma, kuma te minisiriya ani forobabaaradaw ni kenyereye baaradaw kuntigiyaw ma. Olu te kokuraw ye tuguw, bawo, musow kalanni, u yiriwali n'u yelenni minnu tun te ben cew ma fölo k'a d'u körötaw kan, olu kéra cew haminanko gelén dò ye, fangaso kunda, ani

MUSO KELEN
MIN SERA
KA BEE
KUNNAWOLO

denbatigi kunda, k'a masorø, bëe sago ye "musotogotigi" caman boli de y'i ka jamana n'i ka denbaya kono. O de kér'an balimamuso, Madamu SISE Kayidama Yuba SIDIBE ta ye. Ale de tar'a njogon dönnikela damado ce la, k'a ke njogondeme jekulu dò kintigiba ye, Mali tògo la. Ojekulu bë weleko "CILSS", i ko "SILISI" bamanankan na. A jekulu nesinnen bë ja n'a masibaw kéléli de ma, jamana 9 kono, minnu bë sahelikénékan, Afiriki tilebinyan fe, n'o ye: Burukina, Kapuwéri, Ganbi, Ginebisawo, Mali, Moritani, Nizeri, Senegali ani Cadi jamanaw ye. An balimamuso KAYIDAMA sugandira jamana 9 ninnu yiriwali minisiriw yérew de fe. A kéra san 1993 Utikalo tile 10 don, n'o benn'a minisiriw ka Wagadugu kùnbèn kérénkérénnen kuncédon ma. A yére ye muso furulen ye, den 4 bë min n'a ce bolo. A wolola Tumutu dugu kono, a san 45 de ye ninanye. O b'a jira ko Mali jamana woloden lakika yére don, min bë köröborókan, bamanankan ani faransikan fo, a nema. Kabini san 1974, fo ka n'a s'a bilali ma "SILISI" jekulu kuntigya la, a ye baara ke jamana yiriwali fëeretigéda minisiriso dörön de la, an'o fëerew bolodacogow n'u lateinemcogow. O siratigé la, a kéra jamana ka bónogola fëeretigékow minisiri yére ye. Okéra furance fanga kono, i ko tuma min na, ATT tun bë peresidanya la. A kér'o yére korosigibaga ye, sann'a ka bila jamana sörödaw bëe lajelen nafakow jatemine baarada kuntigya la. Atun bë jekulu fila bëe la, minnu ka walew nesinnen bë Sahelikungo ani Tumutu mara yiriwalikow ma, njogondeme siratigé la, Mali kono, an'a kokan.

Nin joyorø kologirin caman dantigelen kó, an bë se k'a fo, k'an balimamuso KAYIDAMA y'a bilayorow minenw fa kosebë fasobaara la; k'a kéra musotogotigi ye, min ka dönniya yeelen ye Mali labo, cogo bëe la, fo ka se jamana caman wërew ma, njogonfe, minnu ni Mali bë ka je, ka njogon kisi ja kasaaraw n'a masibaw ma.